

光緒贛榆縣志卷之十四

列女下節孝貞烈傳

宋

楊六秀才妻劉海州懷仁縣人宣和間用兵燕雲厚賦天下緡錢督責極嚴峻民無貧富俱被害劉氏寡居以廉節自守二子皆幼其家積錢數十屋殆不可以鉅萬計一日劉氏謂其家老與二子曰吾聞君子之貴於有財謂其積而能散也謂其能賙卹貧困也謂其能助國家濟大事也今國家用兵日費千金而供軍不辦賦歛及下戶無所出期會迫促刑法甚慘吾家居此數世名錢無紀極堆置屋中坐視鄉黨鄰里之困與官吏之無罪而晏然漫不省光緒贛榆縣志卷之十四

明

尹鏜妻包年二十七守節家甚貧族人逼嫁撻之垂死終不易志年八十四

劉妙圓孝子劉炯女許字張森森卒女告父母衰麻赴其喪矢志守節年六十卒

沙奉女名小琴正德六年大盜劉七等略境女被執義不受辱罵

宋沈作
詰寓簡

賊賊支解之巡撫叢蘭表其門爲文以祭其辭曰人所以靈於萬物者以有禮義廉恥以維持之往年劉寇肆患村落騷攘委身從寇俛首偷生者甚眾靈以處子被執乃能奮罵不屈蠲死兵戈可謂慷慨取義者矣其與唐奉天寶氏之投崖宋蕪湖詹氏岳陽韓氏之赴水古今一致也嗚呼靈之生何其不幸哉不幸者時也天也靈之死可謂禮義廉恥自盡其心而無媿矣故雖死而名愈烈聞者莫不惕痛傷悼繼以歆羨歎賞而不能自己則靈自有不死者存焉總漕巡撫都察院嘉靈貞烈用敷激揚之政撰次祭文檄贛榆勒石具牲以祭靈其有知乎想貞魂正氣無乎不在聰明正直以福諸鄉邦之人者其必有鑒於茲

傅隨妻許正德六年大盜李興等略境被執許仰天呼曰吾甯死不受辱直批賊頰爪破其面以激賊怒遂見殺巡撫叢蘭爲文祭之其辭曰繫綱常之重大兮維人是持曾女流之聞道兮能捐其軀雖天理民彝之不可泯兮允斯人之偉如曩潢池之失撫兮橫妖氓之夜呼紛村落之搶攘兮競偷生之是圖羗燕婉之俱執兮哀鴛鴦之罹於風夫勉婦以毋死兮婦曰何狗彘而從渠我甯爲玉碎而潔兮胡爲乎瓦全而污氣勃勃而不可狎兮雄於萬夫觸狂童以卽死兮甘兵刃之翦屠嗚呼人孰不愛其生兮苟生而與禽獸居人孰不惡其死兮孰死而與仁義俱判生死以決擇兮微貞烈誰能自辨其熊魚今雖死而不死兮轟於古之名譽鬱山之

高兮并舉劒水之流兮同瀦昔先王之立教兮表宅里之瑕瑜肆
都憲之激揚兮奉王化而宏敷撰文立石以致奠兮賁貞烈之幽
墟播風聲於遐邇兮用以激衰薄而勵頑愚彼爲人臣婦之聞此
兮甯無所感而勸歟有牲載俎兮有石饜孟維貞烈之不亡者存
兮尙其鑒諸

生員張必奎妻王年二十必奎死於兵遺一女未周晬數罹兵火
王依母家苦節終身

孟曠妾王年二十五曠卒含殮畢王拜別家人從容自縊死七日
面如生王所生子尙幼臨死時或問如此子何曰我自完我事此
自有嫡在

光緒贛榆縣志

卷之十四

三

徐克甯妻柏年十八適克甯逾年而寡姑瞽女幼柏事姑孝女長
而嫁乃盡散田產與克甯族人凡守節五十餘年

王文昌妻董年二十九夫亾無子矢志守節事舅姑至孝家貧親
牧牛得升合爲養卒年七十五官表其門

王司乾妻辛年二十三夫亾自經姑救之得不死因勵志守節事
舅十一年事姑二十五年以至孝稱

方經紳妻劉諸生劉良玉之女孫崇禎壬午大兵入城被執劉不
屈遂殉節時年二十餘

陳廷誨妻顧崇禎壬午大兵臨城顧歛衣縫衽拜辭舅姑及夫神
主投井死

王尙倫二女長七姐次八姐崇禎壬午隨母避兵海上兵逼近欲執之二女並投水死

史霓妻張姑病思肉霓貧不能得張潛割股爲羹以進姑病遂愈閻餘庇妻王年二十一庇死無子矢志守節捐服飾親操作與僕婦同甘苦凡六十五年至 國朝康熙七年地震王所居屋傾家人謂無生理發甄視之寢自若

國朝

汪鳴珮女順治七年榆園賊劫青口女被略以死拒賊賊殺之碎其尸時年十七同時有張其著女年十八聞賊至先自經死

李長馥女許字張維祥維祥死女年十八赴其喪遂不返挑菜拾薪以養翁姑撫嗣子苦志終身

光緒贛榆縣志

卷之十四

四

張氏女海州人字徐方昇順治初方昇以戰沒於陣女年十八赴其喪慘淡經營立方昇猶子适爲嗣教之讀書補弟子員康熙元年邑宰表其閭苦節凡六十一年而卒迄雍正五年始邀旌典張其羔妻田年二十三其羔歿田欲從死恐貽夫家累俟其父母兄弟至乃自經

廩生張鑑妻王年二十夫亾撫孤子潛以苦節著嘗積百金埋地中有盜入其家王抱孤兒匿草中盜執其夫弟鎭鎭呼救王遽出盡以所積與盜鎭乃免時王與鎭久析產矣子潛年十四補諸生

以上一統志江南通志嘉慶州志舊志

周璽女字生員仲愷之子逢貞逢貞死女欲赴其喪不許時母方病不敢言俟病少間乃自經婢救之防益密然女終不食逾月而死臨死謂其父曰幸歸仲氏遂與逢貞合葬薦紳請于令將旌之

其父固辭乃止節李俊有烈女弟邦柱長女適吳懋昭次女適張

時俊三女適吳懋竹並以節著邦柱子鉅娶於蔣女適趙善樸其嗣子永廷女適謝天祥凡邦柱之女烈女之姪也邦柱之子婦烈

女之從子婦也女孫女曾孫烈女之無服從女孫從女曾孫也無不以節著道光四年學政辛從益次弟表其閭節董梁

柏顯棟女早孤與母兄相依年二十許字居姓將嫁而夫死女欲往弔母不許誓以身殉母防之密女乃佯笑語飲食如常防少懈

光緒贛榆縣志 卷之十四 五 遂自經距夫死七日白衣麻經聞者哀之節李俊有

王廷贊女字海州富安町王必信年十七必信死赴未至女方與母同操作忽青蠅集其耳鳴不已俄赴至女驟聞而號曰青蠅豈

夫之靈乎願隨母奔其喪母怒止之曰汝以未嫁女哭從未識面之夫可乎女瞿然遂不哭而形容慘悽母潛防之與同宿歷二夕

女乃改容操作如平時得閒懷聘帖自經死時雍正三年夏也節朱

堯望所著傳

仲表揚妻周舉人維綸女年二十一表揚卒守志撫嗣子舉兩世未葬之喪建祖母汪氏節孝坊捨宅為仲氏家祠堅節終身卒膺

旌典

宋麟元女字山東李士英上英赴至女流涕欲往父母禁之乃蒙首卧不言亦不食母以外大母伴之且携至其家女忽笑曰吾向何爲者豈愚耶其外大母信之乃送之歸亦作歡顏父母由是不復防而女遂懷李聘帖自經以殉距士英死纔二十二日

嘉慶州志新增

王英妻賈忠義王俊之裔孫婦也年十九而寡無子翁姑皆篤老憐賈少欲嫁之賈泣曰兒之不死以二老人也若然請從夫於地下持刀遽自刺血噴溢仆地急救得不死自是常以刀自隨先是其家僅薄田十數畝夫死家益落賈乃日夜勤針黹甘旨無缺其翁姑語人曰得吾婦力若忘吾子之已死矣一日翁外出姑卧病有賢布者至其門賈出易布賢布者乘間遽前持其肘賈大憤卽

光緒贛榆縣志

卷之十四

六

舉刀割所持處大如掌擲之地罵曰鼠奴何敢爾賢布者驚遁賈乃入從容裹創操作如平日翁姑不知也其鄰嫗有知者私詢之賈曰旣爲所持覺所持處卽不可頃刻留故割之殊不覺痛也初其夫死無可爲後者數年後以從子爲嗣撫之凡十餘年翁姑相繼沒賈亦遽病不起語所親曰死吾分也何憾惟未見吾嗣子成立耳越三日色如生

節朱堯望所著傳

樊履祥妻許諸生泳之女適履祥家貧甚許出簪珥佐之學履祥染疫死時乾隆五十一年大疫棺貴三四日未殮也許告其翁曰夫死命也不得棺亦命也翁尙有諸郎若疫氣流染死者豈能瞑目且人死依土爲安停尸求棺非計也請權以門厝之許乃指園

中地掘墳取門置墳底旁塹以土謂掘墳者務廣之墳成厝其夫
墳中而虛其右許審顧周正更覆以門曰是不可安魂魄耶肅拜
返室戒勿覆土時送葬者方愕顧而許已投繯死卽昇尸置其夫
之右因築爲墳後五年翁乃買棺改葬之許顏色如生節朱堯望
所著傳
蔣宗武女字李兆璜聞赴投繯母救免乃偕母奔喪旣至見翁衰
病夫弟幼遂留夫家辟纊緯蕭備甘旨者十六載祁寒盛暑弗輟
也翁卒葬祭如禮復爲夫弟畢婚娶乃歎曰吾事畢矣以乾隆丁
未正月九日自經死年三十七嘉慶州
志新增

李三妻王農家子也三亦農家子與兄弟同居王睦於娣姒性嚴
正鄰婦戲以猥語卽赧顏莊謝之會其夫入水誤觸牛角死事倉
光緒贛榆縣志 卷之十四 七

卒兄弟將薄葬王匍匐泣請夫兄以貧辭王乃曰棺稍厚約費十
餘緡耳我當改適盍以嫁資償之兄不得已從之棺至親視含殮
求立嗣遂盡檢嫁衣與其姒曰我與嫂將長辭矣不能視孤兒成
立姒勉受而心甚非之意其急於去也是夕自經於匱側節朱堯
望所著
傳

高祿妻劉年二十二夫亡痛哭欲殉以二子皆幼當撫孤及次子
旣娶三日大會所親劉怡然曰吾事畢矣可以告吾夫於地下矣
是夜自經死時年四十四嘉慶州
志新增

劉文妻王其父欽本儒家子王年十九歸於劉其翁讓爲縣中坊
保役常以事入公門見諸阜隸心艷之使文充焉于是王氏族競

以良賤爲譏王曰人賤而我婚之不可今旣婚而賤復何逃文與無賴子鬪傷指遂不起瀕死語王曰我死若無子奈何王請先之乃扶文起曳其茵更爲理衣結襪寢諸床以衾覆之謂曰家貧安能置二棺我死以褥裹尸足矣遂以夫之帶繫於梁文姊覺而阻之次日文死讓呼王之父欽善視之王乃自爲縞髻凡三易其製務修整家人信之不爲備王守夫尸將曙投繯死讓白諸官官曰若隸役乃有此烈婦耶可獎也

節周萃元所著傳

李氏子婦蔣女也幼失父母依兄應奎以居及笄字于李未婚李卒赴至號慟奔喪數絕復甦羣疑其旦夕殉焉李故貧無以爲殮又其母羸然老病婦乃強起爲謀治殯葬慰諭其姑孝養如李氏光緒贛榆縣志

卷之十四

八

子在時如是者九年姑以疾終葬畢自經死應奎及里人葬之未

幾應奎死其妻王亦以死殉

節湖南進士袁曜所著傳

烈婦劉者父克宣居興甯鎮年十九適蘭山李氏子數月直撚逆之亂歸避母家以興甯故近山僻左也賊且至宣與妻挈子女避山中遇賊賊略女去女罵賊賊弗顧宣與妻赴救賊殺之捉女馬上女憤投地擊以石賊怒寸斬之

節仲統藻所著傳

張文峯妻孫年十九峯卒家貧數月姑死孫百計營殯葬如禮翁又瘞晨夕供養無微不至年餘卒葬旣畢泣曰吾今可報亡人於地下矣夜半投繯死以族子廣生爲嗣

任祥安妻王年二十二安卒家貧甚姑寡而雙瞽王紡績奉養不

給則行乞以供姑歿自經死里人醵金葬之建坊於其墓

張來康女字莒城樊考賢將婚而賢卒女聞赴欲往父母禁之悲泣不食越數日自盡喪歸樊與考賢合葬焉

張學箕妻盧年十九歸箕箕病不能成禮越二日箕亡盧絕飲食將身殉焉翁姑以年老苦勸之乃已立族子爲嗣終身不茹葷年七十餘卒

于典型妻徐型歿徐誓以身殉時長子甫五歲次子生未逾月孀姑泣曰余老矣家貧孫幼若死何以爲生乃奉姑以終教子興家年八十九卒

曹立政妻劉政卒夫弟立寬生未逾月賴劉撫養成八年七十卒

光緒贛榆縣志

卷之十四

九

孫懷盛妻年二十六盛卒守節姑欲嫁之不從歸母家姑病復還躬侍湯藥喪葬盡禮歷五十年

王懷立妻董立卒遺一子翁姑俱存董矢志撫孤曲盡孝道年餘子殤董治喪畢益立族子爲嗣年二十九翁姑歿服滿死

王永拔妻朱年二十六拔病瀕死知其有從殉之志諄諄命留身立後旣立嗣子復以夫長兄無子讓之而立夫弟子爲嗣年五十九卒以母族未至九日始殮香氣猶盈室焉

曹永玉妻王年十九玉卒自縊家人解救得不死事祖姑翁姑撫兩子有禮法年六十一卒

萬秉修妻滕家貧姑年八十餘值歲荒氏乞食奉姑夫叔及叔母

死無以葬膝哀感鄰里爲釀貲營葬焉守節三十一年
監生謝呈祥妻許年二十九守節光緒元年歲饑蠲資施粥濟人
甚眾

附生鄭榮棣妻程棣卒程年二十六撫嗣子之良成立良娶於王
五載良又卒王年亦二十六惇惇撫孤兩代清節戚里重之

從九孫興祖妻邵咸豐十年興祖死寇難邵負兒避匿賊搜得兒
欲刺之邵泣曰一家俱歿吾不死者爲此兒也孩提無知及亦奚
益賊義之擲兒去卽承襲雲騎尉名俊德者也邵守節二十餘年
劉穎妻王歸穎數日穎卒旣葬自經知縣孫名彝勘云蓮舒並蒂
僅歷一十五旬桐悴孤生相延二十一日迴翔審顧冀窀穸之安
光緒贛榆縣志卷之十四

誥誠丁甯爲宗祊之計

十

楊從心妻孫心安東衛籍娶旬餘赴試歸遘疾孫躬侍藥餌夫食
亦食否亦否心死二日自經死

李景珏妻柏珏與父母相繼病珏死藏其帶欲自經焉翁覺勸之
曰翁尙有八子婦無出留之徒傷翁姑心耳遂自決

孫魁宇繼妻李宇卒時生子甫四月李志在撫孤逾月子殤乃乞
夫兄子爲後泣語伯曰是雖夫後實伯所生成敗在伯矣遂自經
以殉

金方來妻張方來素病胃以子殤益劇數日亦亡家貧翁姑俱老
張治葬歸謂翁姑曰翁姑老矣叔五人幼不能自立幸勿過悲損

也自縊死年二十一

樊自渠妻唐年二十七渠卒無子泣盡流血母勸之不言亦不食十餘日嘔血死

海州附生趙燦女字縣李靈聞靈歿不食母勸之曰聞姑止此一子兒不往姑無後矣乃奔喪爲立嗣撫焉子曾慶孫景和景揚訓仁皆附生

馬湄女字王沂沂卒氏語母曰兒聞女子之義從一而終兒已字王家矣可二姓乎母從之歸王事繼姑尤盡禮

沈彥超妻金年十四割股愈母疾超病疫復割股以進超覺不忍食而歿母姑憫其年少無子欲嫁之因不食死

光緒贛榆縣志

卷之十四

十一

徐盛吉妻時年二十七盛吉與母相繼卒時挑菜拾薪撫育二女數十年言笑不苟

仲貽津妻劉年二十六守節好施予周恤貧乏延師訓族子弟多所成就卒年六十五嗣子緒功能承其志孫婦趙崔亦以節著

丁本元妻邵家貧姑先卒翁病中風四支不仁邵背負出入飲食便溺皆躬親之十數年無愠色翁卒年餘亦卒

烈婦陳賈人女也適儒童鄭曰塏亦賈人子塏讀書甚攻苦會州縣試皆前列益自刻厲以病瘵卒方鄭之病也實消渴茶甌不去口既寢疾陳用小壺承其吻茶盡更進目不交睫者數晝夜鄭卒陳乘家人方視殮入室自縊眾覺往捄則白衣皚皚然右手猶挈

常所用壺水盈壺中指不坼壺不仄水涓滴不溢也節汪彤程所著傳

蔣立義女字張樹標為繼室未婚前一月標卒赴至家人諱焉踰數日客媼泄其事女聞驚慟欲往殉母強慰止之女不從曰受張氏聘許為婦矣死之義也遂日夜飲泣勺水粒米不入口憔悴以死張氏聞而義之迎其柩合窆焉節徐燦英所著傳